



Uit die nederlaag teen 'n vyand word volharding en eenheid gebore wat tot oorwinning kan lei.



Die



Uit die oorwinning oor 'n broer word verwydering en moedeloosheid gebore wat tot 'n nederlaag kan lei.

GEEN VERBITTERING !

Die belangrikste betekenis van 'n verkiesing is dat dit die moontlikheid van 'n regeringsverandering inhou. In die poging om 'n nuwe regering aan bewind te kry, kan groot opgewondenheid by die volk geregverdig word. Dit is 'n saak van erns. Waar daardie moontlikheid van bewindsverandering egter uitgesluit is weens die gebrek aan eensgesinde optrede — soos dit tans die geval is weens dr. Malan se weiering om 'n verkiesingsfront te vorm, — sal dit misdadig wees om verbitterd te raak in die stryd teen mede-Afrikaners. Laat elke Brandwag sy plig doen soos hy dit sien, maar daarby onthou dat dit 'n skyngeveg is wat in die huidige omstandighede weinig of geen uitwerking kan hê op die toekoms van ons volk.

Die stryd soos dit nou is, kan geen verandering van regering te weegbring nie. Dit kan hoogstens dien as 'n gebrekkige uitspraak van die volk by wyse van die aantal STEMME teen die Smuts-party. Laat geen Brandwag hom daarom skuldig maak aan verbittering teen volksgenote wat anders dink of doen as hy nie.

Die Afrikaner wat verkeerd stem, staan nader aan ons as die Jood wat reg stem!

UIT JAMMERTE GELD GESTEEL

Beskuldigde sê Hy was nie Lid van Ossewabrandwag

F. A. Fourie, 'n voormalige speurdersersant, is verlede week deur die Spesiale Hof skuldig bevind op aanklag dat hy £4,116 van die Suid-Afrikaanse Spoorweë in Port Elizabeth gesteel het, en tot sewe jaar tronkstraf veroordeel.

In sy getuienis het Fourie verklaar dat hy in September 1942 kragtens die Noodregulasies in hegtenis geneem is, maar dat hy ontsnap het omdat hy nie bewys was wat die aanklag teen hom was nie, en hy gewee het dat as jy kragtens die Noodregulasies in hegtenis geneem word, jy maande en maande sonder verhoor opgesluit word, en dat die speurders jou kort-kort kom ondervra.

Onder kruisverhoor het hy gesê dat hy 'n prokureur Vorster in Port Elizabeth ontmoet het en dat aan hom gesê is dat Vorster 'n generaal in die Ossewabrandwag was. Hy het Vorster egter maar swak geken en was nooit by hom aan huis nie. Getuie was van die begin af teen die Regering se oorlogsbeleid gekant. In die loop van sy werk as lid van die politieke personeel van die Speurdiens het hy met die O.B. en Stormjaers kennis gemaak. Hy was egter nie 'n majoor in die Stormjaers en ook nie lid van die Ossewabrandwag nie.

B. F. Loots, 'n voormalige sersant van Port Elizabeth se Spoorwegpolisie het verklaar dat hy tans 'n vonnis van vyf jaar uitdien weens die betrokke diefstal. Hy het deelgeneem aan die diefstal op voorstel van Van Rensburg, 'n spoorwegwerker en medepligtige, wat gesê het dat die gesinne van geïnterneerdes in geldnood verkeer en dat die Ossewabrandwag alleen nie in staat is om hulle te onderhou nie. Uit jammerte vir die mense het hy ingewillig.

Voorbeeld in Barberton van wat Dwarsdeur Land kon Gebeur Het K.G. Verduidelik Standpunt van O.B. Voor Groot Offisiere-Sametrekking

Voor 'n sametrekking van meer as 1,000 offisiere uit alle dele van Suid-Transvaal, het die Leier van ons Volksbeweging, dr. Hans van Rensburg, Woensdagaand, 2 Junie, in Johannesburg die standpunt van die Ossewabrandwag ten opsigte van die aanstaande parlamentsverkiesing ontlee en 'n uiteensetting gegee van die herindelings van die Beweging. Die verklaring oor die verkiesing het reeds in die pers verskyn.

Die vorige dag het dr. Van Rensburg ook 'n sametrekking van ongeveer 350 offisiere op Potgietersrust toegesprek oor dieselfde aangeleentheid. Die aand van 1 Junie het hy ook 'n groot Ossewabrandwag-vergadering op Potgietersrust toegesprek.

In albei gevalle het die offisiere die heldere leiding wat dr. Van Rensburg in verband met die verkiesing gegee het, geesdriftig ontvang, en elkeen het, gewaarsku en gewapend teen die listige planne van die vyande van die Ossewabrandwag, na hul afdelings teruggegaan.

In die loop van sy verklaring het die Leier melding gemaak van die feit dat Barberton die enigste ware Eenheidskandidaat in die persoon van mnr. Willie Roodt het omdat dit die enigste kiesafdeling is waar die verkiesingsaanbod van die Ossewabrandwag geld. Hier het die plaaslike voormanne van die H.N.P. en die Afrikanerparty ooreengekom om gesamentlik 'n kandidaat teen die Empireregering te stel, met die gevolg dat die Ossewabrandwag in daardie afdeling sy volle steun en gewig agter die volkskandidaat inwerp. „So kon die helse land sy Barbertons gehad het as dit nie vir die koppigheid van sommige politici was nie,” het dr. Van Rensburg daaraan toegevoeg.

Die vermelding van die feit dat mev. Hansen, eggenote van genl. Hansen wat tans in die Empire se interneringskamp op Koffiefontein sit, die anti-Empire en anti-Oorlogskandidaat teen veldmaarskalk Smuts in Standerton is, is langdurig toegejuig. Mev. Hansen wat ook op die sametrekking in Johannesburg teenwoordig was, is versoek om op te staan, waarna sy nog geesdriftiger toegejuig is: „In veldmaarskalk Smuts sien ons die verpersoonliking van die Empire se oorlogsbeleid en in mev. Hansen sien ons die slagoffer van daardie beleid, die vrou van Suid-Afrika”, het die Kommandant-generaal verklaar.

HERINDELING

In verband met die herindelings van die Ossewabrandwag het die Kommandant-generaal daarop gewys dat die vroue weens die sentrale verteenwoordiging in die Vroue-adjunkraad voortaan meer regstreeks seggenskap sal hê in die besluite waardeur hulle geraak word.

Ook die jeug sal voortaan regstreeks deur die Jeugleier op die Grootraad verteenwoordig wees. Prof. Dirk van Rooy, van Potchefstroom, wat voorheen 'n leidende posisie in die Voortrekkerbeweging beklee het, is die jeugleierskap aangebied en hy het dit aanvaar.

Die Kommandant-generaal het ten aanvang daarop gewys dat die Ossewabrandwag 'n eedgenootskap is wat gekom het om te bly. Dit het 'n deel van die geskiedenis van die Afrikaner-


dom geword. Die Ossewabrandwag het gekom om te bly omdat dit in hierdie krisistyd die meeste martelare vir die Afrikanerdom gelewer het. Hoe langer ons aanhou hoe meer sal in die tronke en kampe van die Empire beland en hoe meer in die tronke en kampe kom, hoe minder reg het ons om met die stryd op te hou.

Die sametrekking is ook bygewoon deur die Adjunk-kommandant-generaal, J. A. Smith. Op die sametrekking in Johannesburg was ook teenwoordig gebiedsleier Louis Boothe (Suid-Transvaal), gebiedsleier dr. H. M. van der Westhuizen (Noord-Transvaal) en genl. ds. S. J. Stander, voorsitter van die Grootraad.—(Kor.)
(Berig deur J. Piek, Voortrekkergebou, Johannesburg)

GEEN DWANG

O.B.-lede word daarop gewys dat daar geen BEVEL deur die Kommandant-generaal ten opsigte van die verkiesing uitgereik is nie. Sy verklaring dien slegs as leidraad vir diegene wat nie weet wat om te doen nie. Die Ossewabrandwag is geen elekshemasjien nie en hy kan daarom as liggaam niemand bind om 'n bepaalde houding in 'n verkiesing in te neem nie. Hy kan wel advies gee aan lede wat twyfel oor wat hul optrede behoort te wees.

Waar dit die Ossewabrandwag se bedoeling was om aktief aan die verkiesing deel te neem indien dit 'n gesamentlike VOLKSDEMONSTRASIE van die Afrikanerdom teen die oorlog kon wees, en sy poging om so 'n verenigde demonstrasie moontlik te maak, skipbreuk gely het as gevolg van dr. Malan se weiering om saam te werk, sal talie O.B.-lede in die huidige toestand van verbrokekings selfs nie eens meer die skaduwee van 'n demonstrasie herken nie, en gevolglik verkies om geen daadwerklike aandeel in die broederstryd te neem nie. Die standpunt van sulke Afrikaners is verstaanbaar en verdedigbaar.



EM
Bepk

AFRIKANERSAKE gaan van krag tot krag. Die jongste volksprestasie is dié van Excelsior Meubels, wat vinnig die mark verower met meubels vervaardig deur Afrikaners, bemerk deur en vir die gebruik van Afrikaners.

DRA u deel by in hierdie grootste strewende na selfstandigheid in die meubelwêreld. Koop u meubels by Excelsior en deel in die winste deur self 'n aandeelhouer te word. Excelsior Meubels besit reeds twee Fabriekke en vier takwinkels onder dié naam in Johannesburg, Pretoria, Germiston en Bloemfontein asook Goodwood Meubeleerders (Edms.) Bpk. van Pretoria en L. D. Phillips (Edms.) Bpk. van Kaapstad wat onder hul name voortbestaan.

'n Kunsbrochure sal gratis aan u gestuur word indien u meer wil weet van ons prestasies, doel en dienste.

Die Sekretaris,

EXCELSIOR MEUBELS BEPERK,
Posbus 6670 JOHANNESBURG Spoorbondkasegebou

Stuur u brosjure aan: M.....

